

Na osnovu člana 16. stav (2) Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 33. stav (4) i članom 52. stav (1) Zakona o izvršavanju Budžeta Zeničko-dobojskog kantona za 2025. godinu, („Službene novine Zeničko-dobojskog kantona“, broj: 25/24 i 6/25), na prijedlog Ministarstva za privredu, Vlada Zeničko-dobojskog kantona, na 89. sjednici, održanoj dana 10.07.2025. godine,
d o n o s i

ODLUKU
o usvajanju Programa utroška budžetskih sredstava u 2025. godini
(Tekući transfer za Turističku zajednicu Zeničko-dobojskog kantona) – Izvor 10

Član 1.
(Predmet)

Usvaja se Program utroška budžetskih sredstava u 2025. godini - (Tekući transfer za Turističku zajednicu Zeničko-dobojskog kantona) – Izvor 10, Ministarstva za privredu Zeničko-dobojskog kantona, u iznosu 400.000,00 KM (slovima:četiristotinehiljada konvertibilnih maraka), koji čini sastavni dio ove odluke.

Član 2.
(Način realizacije)

Sredstva planirana ovim Programom utroška sredstava realizirat će se isključivo u skladu sa realizacijom ostvarenih javnih prihoda u Budžetu Kantona u prethodnom mjesecu i planovima novčanih tokova Budžeta Zeničko-dobojskog kantona te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima, odobrenim posebnim aktima Vlade Kantona.

Član 3.
(Realizacija Odluke)

Za realizaciju ove odluke zadužuju se Ministarstvo za privredu i Ministarstvo finansija, svako u okviru svojih nadležnosti.

Član 4.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-13406/25
Datum, 10.07.2025. godine
Zenica

PREMIJER

Nezir Pivić

DOSTAVLJENO:

1x Ministarstvo za privredu,
1x Ministarstvo finansija,
1x „Službene novine Zeničko-dobojskog kantona“,
1x a/a.



PROGRAM
UTROŠKA BUDŽETSKIH SREDSTAVA ZA 2025. GODINU
(Tekući transfer za Turističku zajednicu Zeničko-dobojskog kantona) – Izvor 10

Zenica, juli 2025. godine

PROGRAM
UTROŠKA BUDŽETSKIH SREDSTAVA U 2025. GODINI
(Tekući transfer za Turističku zajednicu Zeničko-dobojskog kantona) – Izvor 10

I ZAKONSKI OSNOV ZA DONOŠENJE PROGRAMA UTROŠKA BUDŽETSKIH SREDSTAVA U 2025. GODINI

Zakonski osnov za donošenje Programa utroška budžetskih sredstava u 2025. godini (Tekući transfer za Turističku zajednicu Zeničko-dobojskog kantona) – Izvor 10 sadržan je u članu 33. stav (4) i članu 52. stav (1) Zakona o izvršavanju budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24 i 6/25). Program je usuglašen sa Strategijom razvoja Zeničko-dobojskog kantona za period 2021.-2027. godina, te sa nadležnostima Ministarstva za privredu/gospodarstvo.

II IZVOR FINANSIRANJA

Budžetom Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24), planirana su finansijska sredstva, ekonomski kod 614300 – Tekući transfer za Turističku zajednicu Zeničko-dobojskog kantona u iznosu od **400.000,00 KM**.

III NAČIN REALIZACIJE

Imajući u vidu raspoloživa sredstva, te obaveze koje proizilaze iz Godišnjeg plana rada Ministarstva za privredu Zeničko-dobojskog kantona za 2025. godinu i Programa rada Vlade Zeničko-dobojskog kantona za 2025. godinu, Ministarstvo za privredu je planiralo utrošak sredstava, na sljedeći način:

Iznos: 400.000,00 KM

Svrha: Turistička zajednica je osnovana radi razvoja, unapređenja i promocije turizma na području Zeničko-dobojskog kantona u cjelini i privrednih interesa pravnih i fizičkih osoba koja pružaju ugostiteljske i druge turističke usluge ili obavljaju drugu djelatnost neposredno povezanu sa turizmom. Za funkcionisanje Turističke zajednice neophodna su finansijska sredstva, te je stoga Ministarstvo planiralo ova budžetska sredstva utrošiti za sufinansiranje djelatnosti Turističke zajednice Zeničko-dobojskog kantona, a u skladu sa članom 55. Zakona o turizmu („Službene novine Zeničko-dobojskog kantona“, broj: 12/22)

Organizacija – primalac: Turistička zajednica Zeničko-dobojskog kantona

Prenos sredstava: Odlukom Vlade izvršiti će se transfer u ukupnom iznosu 400. 000,00 KM i propisati obaveza izvještavanja o utrošku sredstava od strane korisnika sredstava Turističke zajednice Zeničko-dobojskog kantona.

IV REKAPITULACIJA

R.br.	Naziv	Planirana sredstva /KM/
1.	Tekući transfer za Turističku zajednicu Zeničko-dobojskog kantona	400.000,00
UKUPNO		400.000,00

V NAČIN I ROKOVI IZVJEŠTAVANJA

O utrošku sredstava po ovom Programu, Ministarstvo za privredu dužno je polugodišnje izvještavati Vladu Zeničko-dobojskog kantona.

Broj: 02-11-13406/25

Datum, 10.07.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za privredu,

1x Ministarstvo finansija,

1x „Službene novine Zeničko-dobojskog kantona“,

1x a/a.